

VENDIM
Nr.309, datë 6.5.2005

**PËR PËRCAKTIMIN E KRITEREVE PËR PËRZGJEDHJEN E SUBJEKTEVE, PËR
DHËNIEN ME KONCESION, TË USHTRIMIT TË VEPRIMTARISË SË SHËRBIMIT TË
INFORMATIZIMIT FISKAL DHE FINANCIAR**

Në mbështetje të nenit 100 të Kushtetutës, dhe të neneve 2, 3 dhe 5 të ligjit nr.7973, datë 26.7.1995 "Për koncesionet dhe pjesëmarrjen e sektorit privat në shërbimet publike dhe infrastrukturë i ndryshuar, me propozimin e Ministrit të Financave, Këshilli i Ministrave,

VENDOSI:

1. Shërbimi i informatizimit fiskal dhe financiar është shërbim që jepet me koncesion.
 2. Forma e dhënies me koncesion do të jetë e tipit BOOT (Ndërtim-pronësi-shfrytëzim-transferim).
 3. Përzgjedhja e subjekteve, të cilat kërkojnë të ushtrojnë veprimtari të shërbimit të informatizimit fiskal dhe financiar, bëhet nëpërmjet konkurrimit të hapur, ku të drejtën për të marrë pjesë e kanë subjektet vendase dhe të huaja.
 4. Përzgjedhja e subjekteve bëhet nga komisioni i vlerësimit të ofertave, përbërja e të cilit caktohet me urdhër të Ministrit të Financave. Ky komision duhet të ketë në përbërje një specialist të fushës së informatikës.
 5. Komisioni i vlerësimit të ofertave bën klasifikimin e subjekteve, sipas kriterëve të vlerësimit, të përcaktura në tabelën, që i bashkëlidhet këtij vendimi. Dokumentacioni për vlerësim, që do të paraqitet nga kandidatët, duhet të jetë i hartuar, në formë dhe përmbajtje, sipas rregullave dhe udhëzimeve të miratuara nga komisioni i vlerësimit të ofertave.
 6. Ministria e Financave është Organi Shtetëror i Autorizuar (OSHA), që do të merret me procedurat e përzgjedhjes së shoqërisë koncesionare, si dhe me negocimin e kontratës.
 7. Ngarkohet Ministri i Financave për zbatimin e këtij vendimi.
- Ky vendim hyn në fuqi pas botimit në Fletoren Zyrtare.

KRYEMINISTRI
Fatos Nano

TABELA E VLERËSIMIT

Kriteret vlerësuese	
Dokumentacioni	10
- Prezantimi	
- Qartësia	
- Zbatueshmëria/Lidhja që ka me objektin e kërkesës	
Zgjidhja teknike	30
- Kuptimi i kërkesave	
- Ofrimi i risive, novacioneve	
- Kuptimi i kontekstit	
- Strategjia për realizimin e kërkesave	
- Njohja e problemeve potenciale	
Fleksibiliteti	
Pjesa financiare	30
- Modeli i biznesit që propozohet është i sigurtë	
- Kapaciteti për të financuar propozimin dhe shuma e ofruar si financim	
- Zgjidhje financiare novatore	
Organizimi	10
- Struktura e menaxhimit	
- Evidenca të realizimit me sukses të shërbimeve të ngjashme	

- Evidenca të punës në partnership	
Personeli	5
- Evidenca të stafit me kualifikimin e duhur	
- Mundësia për të mobilizuar resurset shpejt	
- Mundësia për të ofruar role shtesë, në qoftë se kërkohet	
Cilësia	10
- Metodat e matjes/kontrollit të performancës	
- Evidenca të kontrollit menaxherial të cilësisë	
Të përgjithshme	5
- Besimi i përgjithshëm në kompaninë apo konsorciumin	
- Besimi i përgjithshëm në propozimin	
- Balanca ndërmjet menaxhimit të projektit dhe roleve të tjera	
TOTAL	100